

लहना

व्यावसायिक पत्रकारिता, थौंया आवश्यकता

LAHANA WEEKLY

वा:पौ

सा:गु भिंगु मरिचरिया नितिं
लुमंका दिसँ ।लक्ष्मण गजमाल 'चिलिंमि'
प्रोप्राइटर

लाखा छँ

LAKHA CHHEN

सोह्रखुटे, वडा नं. १६, यँ, फोन नं.: ८३६०७५८

थुकि दुने

निगू गठबन्धन छय ?
श्रीकृष्ण महर्जन

- २

यलया लोपोन्मुख सांस्कृतिक पर्व
पुनःसंचालनया नितिं सामूहिक प्रतिबद्धता
राजेश बजाचार्य

- ३



परोपकारी रोनाल्डो

- ६

थेच्च नवदुर्गा भवानी देवी
(गथुप्याख) लिसँ देवगण प्याख
(पेज ४-५)

चीनया समर्थनय् वाम गठबन्धन, भारतया समर्थनय् प्रजातान्त्रिक गठबन्धन

'वाम गठबन्धनं भारतयात अले प्राजातान्त्रिक गठबन्धनं चीनयात विरोधीया रुपय् मकाइगु'

लहना संवाददाता

थुगुसी नेपा:या राजनीतिइ गुगु कथं गठबन्धन दय्केगु ज्या जुल उकिइ आन्तरिक कारण नाप नाप ज:लाख:ला देय्या नं स्वापू व चासोया विषय जुयाच्वंगु दु । थ्व इलय् एमाले, माओवादी केन्द्र, नयाँ शक्तिया दथुइ पार्टी एकता नाप नाप मेमेगु कम्युनिष्ट पार्टीत नाप जाना वनेगु अले उकिया नितिं वाम गठबन्धन दय्केगु ज्या गुगु कथं जूगु दु उकियात चीन सकारात्मक रुपं स्वइगु स्वाभाविक हे ख: । चीन न्ह्याबलें नेपा:या कम्युनिष्ट पार्टीत छप्पं जुडमा: धका: धायगु याना वयाच्वंगु इलय् गुगु कथं राजनीतिक दलतयगु समीकरण जुल उकियात सकारात्मक रुपं स्वयगु ज्या याइ । अभ् विशेष याना न्हापा चीनलिसे पारवहन सम्भौता एमालेया अध्यक्ष प्रधानमन्त्री केपी शर्मा ओली यानादीगु ख:सा माओवादी केन्द्रया अध्यक्ष प्रचण्ड प्रधानमन्त्री जुयादीगु इलय् हे थ:पीनिगु प्रस्ताव कथं 'वान बेल्ट वान रोड'या सम्भौताय् ल्हा:चिं तयगु ज्या जूगु ख: । उकिं थुकियात कार्यान्वयन यायगु नितिं नं कम्युनिष्ट पार्टीत छप्पं जुया वन



धा:सा उमिसं बहुमत हय्त अ:पुइ धका: चीन ताय्काच्वंगु ख: । उकिं आ: एमाले, माओवादी केन्द्र व नयाँ शक्तिया दथुइ एकता यायत्यंगु अले मेमेगु दलत नं दुथ्याका चुनावी गठबन्धन दय्केगु ज्या जुयाच्वंगुयात चीन बांला:गु मिखां स्वइगु स्वाभाविक हे ख: । लिपांगु इलय् गुलिसिनं चीनया योजना कथं हे कम्युनिष्ट पार्टीतयगु दथुइ एकताया नितिं कुत: या:गु अले नेपालय् छू जक कम्युनिष्ट पार्टी दय्केगु कुत: जूगु ख: धका: धाईपिं नं मदुगु मखु । फुकक कम्युनिष्ट पार्टीत छू हे जुइगु धइगु नेपा:या सन्दर्भय्

धा:सा उलि अ:पुगु विषय पक्कां मखु । नेमाकिपा, विप्लवमाओवादी, बैद्यमाओवादी लगायतया दलतयत नं दुथ्याकेगु ज्या एमाले व माओवादी केन्द्रया नितिं अ:पुगु विषय धा:सा अवश्य नं मखु ।

नेपा:या कम्युनिष्ट पार्टीत विभाजित जुल धा:सा थ:पिन्सं नेपा:या राजनीतिइ भूमिका म्हितेफइ धका: ताय्काच्वंगु भारतया नितिं लिपांगु इलय् एमाले, माओवादी केन्द्र व नयाँ शक्ति एकता प्रक्रियाय् वनेवें हे त:धंगु हाथ्या जुयाबिल । उकिं थुगु इलय् भारत नेपा:या राजनीतिइ तसकं चासो कयाच्वंगु दु । प्रत्यक्ष

वा अप्रत्यक्ष रुपं भारत नेपाली कांग्रेसया नेतृत्वय् प्रजातान्त्रिक गठबन्धन निर्माणया नितिं ग्वहालि यायगु ज्या याइगु स्वाभाविक हे ख: । अन्तत: कांग्रेसया नेतृत्वय् प्रजातान्त्रिक गठबन्धन दय्केगु नितिं नं कुत: जुयाच्वंगु दुसा एमाले, माओवादी केन्द्र व नयाँ शक्ति छथाय् हे च्वनेवें कांग्रेसयात नं गठबन्धन दय्केत बाध्य जूगु ख: । उकिं थ्व इलय् कांग्रेसया नेतृत्वया गठबन्धनयात भारत अले एमाले-माओवादी केन्द्रया गठबन्धनयात चीन अप्रत्यक्ष रुपं समर्थन दइगु स्वाभाविक हे ख: धका: परराष्ट्रविद् हिरण्यलाल श्रेष्ठ धयादीगु दु । वय्कलं थुगु इलय् भारतयात तप्यंक विरोध याना वाम गठबन्धन वने मफइगु अले चीनयात नं तप्यंक विरोध याना लोकतान्त्रिक गठबन्धन वने फइमखु धयादिल । उकिं निगू हे गठबन्धनं निगू हे देय्यात स्वापू तया वनीगु तर थ:थ:गु निकट धा:सा ब्यागलं ब्यागलं जुइगु स्वाभाविक हे ख: धका: तकं वय्कलं धयादिल । परराष्ट्रविद् श्रेष्ठ धयादिल 'वाम गठबन्धनं भारतयात अले प्राजातान्त्रिक गठबन्धनं चीनयात विरोधीया रुपय् काइमखु' ।

निबन्धा



थुगु काठमाडौं अल्ट्रासाउण्ड क्लिनिकया नाय:

डा. मनोजमान श्रेष्ठ

नेपाल मेडिकल काउन्सिलया मू दुज: थेंजा:गु गरिमाय पदय् त्या:गुलिं
वय्क:या कार्यकाल सुथालाय्मा धका: भिन्तुना देछाना च्वना ।

काठमाडौं अल्ट्रासाउण्ड क्लिनिक

सकल ज:
बाजबजा:, यँ

निबन्धा



थुगु अरनिको समाजया न्हापांम्ह न्वक्

डा. मनोजमान श्रेष्ठ

नेपाल मेडिकल काउन्सिलया मू दुजलय् निर्वाचित जुयादीगुलिं
भिन्तुना देछासँ वय्क:या कार्यकाल सुथालाक्क न्ह्याय्मा धका:
कामना याना च्वना ।

अरनिको समाज

सकल ज:

सम्पादकीय



चुनावी माहोलं नःगु संविधान संशोधन

आदिवासी जनजाति, मधेसी, उत्पीडित नापं ल्यूनेलानाच्वंगु वर्गया हक हितया नितिं संविधान संशोधन खँ तसकं चर्चाया विषय जुयाच्वंगु खःसा उकियात कयाः ततःधंगु आन्दोलन तर्क जुल । संविधान संशोधन मयाःगु हे कारणं मधेसी दलतयसं स्थानीय चुनावय तर्क ब्वति मकाःगु जुल । तर अन्ततः स्थानीय चुनावपाखें थःपिनिगु मुद्दा ल्हवनेगु नापं जनताया दथुइ वनेगु नितिं २ नं. प्रदेशय जूगु लिपांगु स्थानीय चुनावय ब्वति कायगु ज्या जुल । थुकियात कयाः आन्दोलन यानाच्वंगु मधेसी मोर्चा छू बाध्यताकथं नालाकाःगु जुल ।

संविधान संशोधनया खँ जूगु इलय दकलय न्हापां चुनाव अपरिहार्य जूगु धासं स्थानीय चुनाव लिपा थुकियात कयाः संशोधन यायगु जुइ धकाः धाःगु खः । उकथं हे संविधान संशोधनया प्रस्ताव संसदय न्हयब्वयगु ज्या जुलसा संशोधनया प्रस्तावय माःकथंया बहुमत प्राप्त मजुइवं उकियात पारित यायमफूगु खः । अथेखःसां संविधान संशोधनयात अफ्नं नं संसदय हयाः पारित याकेगु नितिं कुतः यायगु जुइधकाः सत्तापक्षं न्वाःगु खःसा थुकियात कयाः प्रधानमन्त्री शेरबहादुर देउवां भारतया समकक्षीलसे तर्क थुकियात कयाः खँलहाबँलहा याःगु खः । गुगु खँयात कयाः तसकं आलोचना नं जूगु खः । न्हयाथे हे जाःगु खःसां आदिवासी जनजाति, मधेसी, मिसा लिसं उत्पीडित ल्यूने लानाच्वंगु वर्गया हक अधिकारया नितिं थुगु संविधान संशोधन अनिवार्य खः । तर आः वयाः थुगु संशोधन किचलय लाःगु जक मखु, संशोधन हे मजुइगु अवस्था ब्वलंगु दु ।

स्थानीय चुनाव क्वचायधुंकाः आः प्रदेश व संसदया चुनावया नितिं ज्या न्हयानाच्वंगु दु । थुकियात कयाः निर्वाचन आयोगपाखें नं फुक्क प्रक्रिया न्हयाकेधुंकाःगु दु । थ्व हे इवलय नेपाःया राजनीतिक पार्टीत नं थुगु माहोलय दुबिनाच्वंगु जक मखु, चुनावी तालमेलया नितिं बामपन्थीत छू पक्षय च्वनेगु ज्या जुल । संविधानया पक्षय दुगु जक मखु, थः सत्ताय वनेगु नितिं संविधान संशोधनया मू मुद्दा दयकूगु पार्टी नेकपा माओवादी केन्द्र थौकन्हय नं सत्ताय च्वनाच्वंगु दुसा संसदय संविधान संशोधनया इलय पक्षय च्वंगु जक मखु, मेमेगु दलतयत पक्षय च्वनेत आह्वान नं याःगु खः । अथेहे संविधानया विपक्षय दुगु जक मखु, संविधान संशोधनया प्रस्ताव परिमार्जन याःसां नं उकियात स्वीकार मयायगु धकाः अडान कया वयाच्वंगु नेकपा एमाले, थ्व निगुलिं पार्टी छू हे थासय लाःगु दु । संविधान संशोधनया पक्ष व विपक्षय दुगु पार्टीत नं छू थासय लाःवनेवं संविधान संशोधन जुइगु सम्भावना थ्यंमथ्यं क्वचाःगु दु धाःसां पाइमखु ।

संविधान संशोधनया विपक्षय दंगु हुनिं नेकपा एमाले प्रदेश नं २ लय आशा याःकथं लिच्वः हयत ताःलाःगु खः । तर माओवादी केन्द्र धाःसा अपेक्षा याःकथं लिच्वः हयत ताःलाःगु खः । तर आः वयाः थुगु गठबन्धनं संविधान संशोधनया मुद्दा छु जुइगु खः, छुं धायफइगु अवस्था मदु । अथेहे संविधान संशोधनया पक्षय आन्दोलन यानाच्वंगु पार्टीतयसं आः गजाःगु रणनीति नाला काइगु खः, व नं स्वयं हे ल्यं दनि ।

निगू गठबन्धन छाया ?



श्रीकृष्ण महर्जन

स्थानीय तहया स्वंगू चरणया निर्वाचनया लिच्वः पिहां वयवं हे नेपाःया राजनीतिइ छू न्हूगु कथं धुविकरण जुल अले उकिं याना नेपाःया राजनीतिइ आः तर्क गबलें नं मजुनिगु कथं ततःधंगु दलत तर्क गठबन्धन याना वनेत बाध्य जुल । २ नम्बर प्रदेशय स्थानीय तहया निर्वाचनया लिच्वः कथं न्हापांगु शक्तिया रुपय नेपाली कांग्रेस, निगूगु शक्तिया रुपय संघीय समाजवादी फोरम नेपाल, स्वंगूगु शक्तिया रुपय राष्ट्रिय जनता पार्टी, प्यंगूगु शक्तिया रुपय नेकपा माओवादी केन्द्र व न्यागूगु शक्तिया रुपय एमाले खनेदत । एमाले व माओवादी केन्द्रपाखें अनुमान याःगुसिबें नं ब्यागलं कथं चुनावया लिच्वः वल । मेगु फुक्क प्रदेश अर्थात १, ३, ४, ५, ६ व ७ प्रदेशय न्हापांगु शक्तिया रुपय एमाले जूगु खःसा निगूगु शक्ति कांग्रेस अले स्वंगूगु शक्तिया रुपय माओवादी केन्द्र स्थापित जूगु खः । तर २ नम्बर प्रदेशय धाःसा एमाले न्यागूगु थासय अले माओवादी केन्द्र प्यंगूगु थासय लायेवं थ्व हे निगू दलया नेतातयसं प्रदेशसभा व प्रतिनिधिसभाया चुनावय तर्क तालमेल याना वने मफत धाःसा चुनावय त्याकेत थाकुइगु अवस्था वइ धकाः थुइका निगू पार्टीया एकीकरणया प्रक्रिया न्हयाकेगु नाप नापं माःगु कथंया चुनावया नितिं गठबन्धन दयका वनेगु धकाः तर्क तयारी याःगु खः । अथे एमाले, माओवादी केन्द्र नापं नयाँ शक्तिया दथुइ पार्टी तर्क एकता यायगु नितिं तयारी यायगु अले चुनावय तालमेल याना वनेगु धकाः योजना दयका आकाभाकां मोहनी नखः क्वचाइगु इलय नेपाःया राजनीतिइ हे तरंगित जुइगु कथंया घोषणा यायवं नेपाली कांग्रेसयात नं चुनावी गठबन्धन दयकेत बाध्य याना ब्यूगु खने दु । उकिं थ्व इलय मूल रुपं कांग्रेसया नेतृत्वया छू गठबन्धन अले एमाले माओवादी केन्द्रया नेतृत्वय मेगु गठबन्धन दयकेगु ज्या तीब्र रुपं न्हयाकेगु ज्या तर्क जूगु खने दु । अथे थःथःगु कथंया गठबन्धन व तालमेलया नितिं तयार याःगुया कारण धाःसा ब्यागलं ब्यागलं कथं दु । राजनीतिक दलतयसं थःथःगु कथंया आज्जु तया वनाच्वंगु दु । अले चुनावी तालमेलया नितिं नं लगातार रुपं कुतः जुयाच्वंगु दु । उलि जक मखु चुनावया नितिं सिट इना बीगु नापं मंकाः घोषणा पत्र दयकेगु ज्या तर्क न्हयानाच्वंगु दु ।

एमालेः स्थानीय तहया भूवलय खुगु प्रदेशय न्हापांगु शक्ति जूगु जूसां नं २ नम्बर प्रदेशय धाःसा न्यागूगु शक्ति जुइत बाध्य जूगु अवस्थाय आः प्रदेश सभा व प्रतिनिधिसभाया चुनावय कांग्रेस व माओवादी केन्द्र गठबन्धन याना वन धाःसा थःपिन्त थाकुइगु एमालेया नेतातयगु विश्लेषण खः । उलि जक मखु स्थानीय तहया चुनावय खुगु प्रदेशय न्हापांगु शक्ति जूसां नं चुनाव लिपा खास हे जनप्रतिनिधितयसं जनताया ज्या

याय मफयाच्वंगु अवस्था अले नेपाःया इतिहासयात स्वल धाःसा अप्वः याना सत्तापक्षया विरुद्ध मतदान यानाच्वंगु एमालेया नेतातयसं बालाक हे थू । उकिं थ्व इलय यदि थःपिन्सं नेपाःया फुक्क कम्युनिष्ट पार्टीया नेतृत्व यायगु ज्या याय फत धाःसा तसकं बालाइगु तायका माओवादी केन्द्रयात ४० प्रतिशत बिइगु तर्कया सहमति कथं एमाले न्हयाः वंगु खनेदु । उकिं हे एमाले माओवादी केन्द्र व नयाँ शक्तिलसे नं एकताया प्रक्रिया न्हयाकेगु नाप नापं चुनावया नितिं वाम पार्टीतयगु गठबन्धन दयकेगु ज्या न्हयाकूगु खः ।

माओवादी केन्द्रः स्थानीय तहया चुनावया लिच्वःयात स्वल धाःसा जनता थःपिन्त स्वंगूगु शक्तिया रुपय जक स्वीकार याःगु अले २ नम्बर प्रदेशय ला भन प्यंगूगु शक्तिया रुपय स्वीकार याःगु नेतातयसं खंकादिल । संविधान संशोधनया पक्षय वनागु अवस्थाय नं २ नम्बर प्रदेशया जनता थःपिनिगु तुलनाय कांग्रेसयात विश्वास याःगु अले मधेसवादी पार्टी धुंकाः जक थःपिन्त विश्वास याना प्यंगूगु शक्तिइ सीमित याना ब्यूगु नेतातयसं बालाक हे थू । थुज्वःगु अवस्थाय कांग्रेसलसे जाना वन अर्थात गठबन्धन याना वन धाःसा स्वंगूगु शक्ति वा प्यंगूगु शक्तिया रुपय जक स्थापित

नेपाली कांग्रेसः एमाले, माओवादी केन्द्र नापं नयाँ शक्ति एकताया प्रक्रियाय वनेगु नाप नापं चुनावी गठबन्धन दयकेगु ज्या यायेवं कांग्रेसयात तःधंगु हाथ्या वःगु उगु पार्टीया नेतातयसं तायकल । प्रदेशसभा व प्रतिनिधिसभाया चुनावय तर्क थःपिं याकःचा जुया ल्वात धाःसा कमजोर जुइगु उगु पार्टीया नेतातयसं तायकल । उलि जक मखु आः कम्युनिष्ट पार्टीत छुपै जुया वनीगु संभावना नं अप्वया वःगु अले कम्युनिष्ट पार्टीत एकता जुल धाःसा प्रजातान्त्रिक शक्तियात निषेध तर्क याना वनेफु धकाः तायका कांग्रेस नं थःपिनिगु गठबन्धन दयकेगु अभियान न्हयाकूगु खः । कार्यकारी अधिकार दुम्ह राष्ट्रपतिया नारा ज्वना कम्युनिष्ट पार्टीत एकता जुया वनीगु अवस्थाय आः संविधानय व्यवस्था याःगु कथं वने मफइगु नापं सकल प्रजातान्त्रिकीय समस्या वइ धकाः कांग्रेसया नेतातयसं तायकाच्वंगु खः । कम्युनिष्ट पार्टीत बाहेकया दलतयत दुथ्याका प्रजातान्त्रिक गठबन्धन दयकेगु कुतः याःगु खने दु । उकिं मधेसवादी पार्टीनिसं राप्रपा, राप्रपा प्रजातान्त्रिक लगायतया दलतलसे मंकाः कथं न्हयाः वनेगु कुतः याःगु खने दु ।

थीथी पार्टीः ससफो नेपा (संघीय समाजवादी फोरम नेपाल) नं

मंसिर महिनाय जुइगु प्रदेशसभा व प्रतिनिधिसभाया चुनावया नितिं थुगु कथंया गठबन्धन व एकता यायेगु ज्या जुयाच्वंगु धइगु छू कथं स्वाभाविक हे खः । थःथःगु एजेण्डा मिलेजगु दललसे जाना वनेगु, कम्युनिष्ट पार्टीत जक छथाय लाना वनीगु थ्व प्राकृतिक रुपं नं बालाःगु हे ज्या खः धकाः तर्क धायफइगु अवस्था दु ।

जुइफैगु अले पार्टी आन्तरिक रुपं भन भन कमजोर जुयावंगु माओवादी केन्द्रया नेतृत्व थुइकूगु जुल । उकिं माओवादी केन्द्र थ्व इलय एमालेलसे फत धाःसा एकीकरण हे यायगु मफुसा गठबन्धन जक जूसां दयका चुनावय वनेगु नीति ज्वंगु खने दु । न्हापां ला चुनावी चिं तर्क सुर्छः कया वनेगु धकाः तयारी याःगु खः तर अथे जुल धाःसा कन्हय वना चुनावय त्यानाविपिं फुक्क एमाले जुइगु अवस्थाय थःपिनिगु अस्तित्व मदइगु जुया हे थःथःगु हे चुनाव चिं कया वनेगु अले पार्टी एकताया प्रक्रिया नं न्हयाकाः वनेगु रणनीति ज्वंगु खः । थ्व छू कथं माओवादी केन्द्रया नितिं बाध्यता जुया ब्यूगु दु ।

नयाँ शक्तिः संविधान जारी जुइ धुंकाः तःधंगु शक्तिया रुपय स्थापित जुइफइ धकाः आशा याःगु नयाँ शक्ति भन् भन् कमजोर जुया वन । अले कयौं नेता तयसं हे माओवादी केन्द्रय वनाच्वंगु अले गुलिं गुलिं मेमेगु दलय वनीगु अवस्था तर्क खने दयावल । विशेष याना स्थानीय तहया चुनावय छू सशक्त शक्तिया रुपय स्थापित जुइ मफयवं उगु पार्टीया नेता व कार्यकर्तातयसं भविष्ययात स्वया धमाधम पार्टी त्वःता वनेवं नेतृत्वयात संकट वयाच्वंगु खः । थ्व हे दथुइ एमाले व माओवादी केन्द्र एकता नापं गठबन्धन दयका वनेगु तयारी यायवं उकिइ नयाँ शक्तियात नं सालाकाःगु खः । नयाँ शक्तियात तसकं संकट जुयाच्वंगु अवस्थाय एमाले व माओवादी केन्द्र नाप एकताया प्रक्रियाय वनेगु नाप नापं चुनावी गठबन्धन याना वनेफत धाःसा जक थःपिनिगु अस्तित्व ल्यना च्वनीगु तायका नयाँ शक्तिया नेतृत्व न्हयाः वंगु खः ।

कांग्रेस नेतृत्वया गठबन्धय नापं वनीगु संकेत खने दयावःगु दु । विशेष याना पहिचानया आधारय प्रदेश निर्माण यायगु सवालय लैपु चायकेगु कथं संविधान संशोधन यायत कांग्रेस तयार दुगु तर एमाले तयार मदुगु अवस्थाय प्रजातान्त्रिक गठबन्धनलसे उगु पार्टीया नेतात लिक्क लानावंगु खः । मूल रुपं चुनावी तालमेल याना वनेगु कथं ससफो नेपालं कुतः याःगु खने दु । अले थःपिं नापं तराई मधेसया नितिं राष्ट्रिय जनता पार्टीलसे नं एकता याना वनेगु योजना दयका ब्यागलं कथंया वार्ता न्हयाकूगु खने दु । उकिं हे ससफो व राजपाया दथुइ छू कथंया मंकाः मोर्चा दयका चुनाव ल्वाइगु अवस्था ब्वलंगु दु । इमिसं मूल रुपं तराई लागाय थःपिन्त अप्वः सिट माः धकाः धायगु योजना सहति वंगु खने दु । अथे हे राप्रपा नापं राप्रपा प्रजातान्त्रिक, फोरम लोकतान्त्रिकयात नं याकः याकः चुनाव ल्वाय थाकुइगु जुया गठबन्धनय वनेत बाध्य याना ब्यूगु खने दु ।

मंसिर महिनाय जुइगु प्रदेशसभा व प्रतिनिधिसभाया चुनावया नितिं थुगु कथंया गठबन्धन व एकता यायगु ज्या जुयाच्वंगु धइगु छू कथं स्वाभाविक हे खः । थःथःगु एजेण्डा मिलेजगु दललसे जाना वनेगु, कम्युनिष्ट पार्टीत जक छथाय लाना वनीगु थ्व प्राकृतिक रुपं नं बालाःगु हे ज्या खः धकाः तर्क धायफैगु अवस्था दु । तर थुकिं याना देय व जनताया नितिं गुलिं ज्या याय फइगु अले थुज्वःगु गठबन्धन नापं एकता गबले तर्क जुइगु खः व धाःसा कन्हयया दिनय जक स्पष्ट जुइ ।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिर्कापिसं छ्वयादीगुयात थुगु वाःपतिइ थाय बिचाच्वना । पिदंगु च्वसुयात उचित पारिश्रमिक बीगु नं सुचं बिचाच्वना ।

लहना वाःपौ

भोर्छे, यँ

lahana.news@gmail.com

थेच्व नवदुर्गा भवानी देवी (गश)

नेपाल सम्वत् १९३७ कौलाश्व चत्



थुप्याखं) लिसें देवगण प्याखं

बहना
JAHANA WEEKLY

किपा: नृपेन्द्रलाल श्रेष्ठ

चतुदर्शी व कतिं पुन्हि, मूचुक यल



नेपाःया अग्नि परीक्षा ताजकिस्तानय्



अन्तर्राष्ट्रिय फुटबल्य विपक्षीया कासाख्यलय वनाः कासा त्याकेगु तसकं हे थाकूगु ज्या खः । फुटबल कासाय् अप्ठः धइथे भ्रमणकारी पुचलं विपक्षीलसे जक मखु, उमिगु समर्थक विरुद्ध म्हितेमाःगु हाथ्याः दयाचवनी । नेपालं थौं मंगलबार ताजकिस्तानय् थजाःगु हे हाथ्याःया सामना याइ ।

एएफसी एसिया कप छनोट फुटबल कासा अन्तर्गत नेपालं थःगु प्यंगु कासाकथं ताजकिस्तान विरुद्ध म्हितेत्यंगु खः । वंगु लाय् नेपालय् जूगु कासाय् ताजकिस्तान २-१ गोलं त्याःगु खः । उगु लिच्वःया नापनापं नेपाः समूह 'एफ'य् दकलय् ल्युने लानाच्वंगु दु । ताजकिस्तान विरुद्ध घरेलु कासाय् मडुमह गोलरक्षक एलन न्यौपाने व मिडीफ्लडर राजेन्द्र रावलयात पुचलय् दुथ्याकूगु दु । थुपिं निम्हेस्यां गोलरक्षक विशाल श्रेष्ठ व सुमन लामाया थाय् काःगु खः । अथेहे मानबहादुर तामाङ्ग, विमल

बस्नेत व रजिन धिमाल नं पुचलय् लाःगु मडु । नेपालं थुगु पुचलय् आःतक म्हितुगु स्वंगु कासा मध्ये छू नं त्याकेफूगु मडुनि । एसियन कप छनोट अन्तर्गत समूह 'एफ'या न्हापांगु कासाय् फिलिपिन्सलसे ४-१ गोलं बूगु नेपालं व लिपा घरेलु कासाख्यलय् बल्लाःगुकथं कयातःगु यमनयात गोलरहित बराबरी कासा म्हिताः ल्याः इनाकाःगु खः । नेपाः व हे छू ल्याख्य सीमित जुयाच्वंगु दु ।

थःगु स्वंगु कासाय् ताजकिस्तानलिसे बुइधुंकाः नेपाःया छनोट जइगु सम्भावना तसकं म्हो जूगु खः । उकिं नं नेपाःया निरति ताजकिस्तानय् जुइगु कासा फाइनल चरणय् दुहावनेगु निरति महत्वपूर्ण जूगु दु । ताजकिस्तान विरुद्धया कासा त्याके मफुत धाःसा नेपाः फाइनल चरणय् वनीगु गणितीय सम्भावना जक ल्यं दइ । थुगु पुचलय् फिलिपिन्स न्हय्गु ल्याः कयाः शीर्ष थासय् लानाच्वंगु दु । अथेहे

एएफसी एसिया कप छनोट फुटबल कासा अन्तर्गत नेपालं थःगु प्यंगु कासाकथं ताजकिस्तान विरुद्ध म्हितेत्यंगु खः ।

यमन व ताजकिस्तान प्यंगु प्यंगु ल्याः कयाः गोलया लिधंसाय् छिसकथं निगुगु व स्वंगु थासय् लानाच्वंगु दु । नेपालं ल्यंदनीगु स्वंगु कासा मध्ये निगु कासा मेगु देशय् म्हिती । शीर्ष स्थानय् लानाच्वंगु फिलिपिन्सलसे म्हितीगु छू कासा जक घरेलु कासाख्यलय् म्हिती ।

थुगु छनोट कासाय् गुआमं म्हितीगु जूगुलिं जक नेपाःयात म्हितेगु ह्वःताः चूलाःगु खः । एसियाली छनोट कासा अन्तर्गत समूहया शीर्ष निगु थासय् लाःगु पुचलं जक संयुक्त अरब इमिरेट्सय् जुइगु एसिया कपया फाइनल चरण कासा म्हितेत योग्य जुइगु खः ।

नेपाःया टिम :

गोलरक्षक : किरण लिम्बु, विकेश कुशु र एलन न्यौपाने ।

डिफेन्डर : कमल श्रेष्ठ, आदित्य चौधरी, अनन्त तामाङ्ग, देवेन्द्र तामाङ्ग, विराज महर्जन, जितेन्द्र कार्की, दिनेश राजवंशी र राजेन्द्र रावल ।

मिडफिल्डर : सुजल श्रेष्ठ, विशाल राई, विक्रम लामा, हेमन गुरुङ्ग, रोहित चन्द, सुनील बल र हेमन्त थापा मगर ।

फरवार्ड : जर्ज प्रिन्स कार्की, विमल घर्ती मगर, नवगु श्रेष्ठ, भरत खवास र अञ्जन विष्ट ।

विश्व शारीरिक सुगठनय् ननितायात रजत

नेपाःया ननिता महर्जन वंगु आइतवाः जूगु गुक्वःगु विश्व शारीरिक सुगठन कासाय् रजत पदक त्याकूगु दु । मंगोलियाया उलनबटारय् जूगु कासाय् ननिता मिसा १६० सेन्टिमिटरया धिकलय् उकथं रजत पदक त्याकेत ताःलाःगु खः । फाइनलय् ननितालिसे मंगोलिया, इटाली व भियतनामया कासामिं धेधेबल्ला याःगु खः । गुकी



थगुने थाइल्याण्डय् जूगु थुगु हे कासाया च्याक्वःगु संस्करणय् ननिता ऐतिहासिक काश्य पदक त्याकूगु खः ।

मंगोलियां स्वर्ण व इटालीं काश्य पदक त्याकूगु खः ।

थगुने थाइल्याण्डय् जूगु थुगु हे कासाया च्याक्वःगु संस्करणय् ननिता ऐतिहासिक काश्य पदक त्याकूगु खः ।

गुगु काश्य पदक नेपाःया शारीरिक सुगठनया इतिहासय् नेपाःया मिसाम्हा कासामिं त्याकूगु थव न्हापांगु पदक खः । ननितां वि.सं. २०७३ सालय्

यैय् जूगु न्हापांगु मिस्टर काठमाण्डौं नापं मिसा फिटनेस कासापाखें थःगु कासा जीवनया शुरुवात यानादीगु खः । उगु कासाय् ननितां स्वर्ण पदक त्याकूगु खः ।

ननितां थुगु पदक त्याकूगु निन्हु न्हयः रुजेश शाही ६० केजीइ काश्य पदक त्याकादीगु खः । नेपालं न्हापांखुसी अन्तर्राष्ट्रिय बडिबिल्डिङ्गय् निगु पदक त्याकूगु खः ।

परोपकारी रोनाल्डो

पोर्चुगल नापं स्पेनिश क्लब रियल म्याड्रिडया फुटबल कासामिं क्रिस्टियानो रोनाल्डो छुं दै न्हयः दकलय् उदार कासामिं घोषित जूगु दु । रोनाल्डो थःगु छविवात अभ थकाःगु दु ।

रोनाल्डो थःमहेस्यां त्याकूगु प्यंगु 'बालन डि ओर' सिरपाः मध्ये छू ट्रीफ मियादीगु खः । उगु ट्रीफ म्युगुपाखें वःगु धेबा 'मेक अ विस फाउण्डेशन'यात बीगु जूगु दु । बेलायतया राजधानी लण्डनय् जूगु लिलामीइ उगु ट्रीफिया नक्कल न्यागु लख स्वीडः डलरं म्युगु खः । इजरायलया धनाढ्य इमान अफरं उगु ट्रीफिया रिप्लिका न्याःगु खः । उगु धेबां ल्वचं जीवन हे खतराय् लानाच्वीपिं मस्तयूगु निरति खर्च याइ । थजाःगु प्रतिष्ठित अवार्ड लिलामीइ तःगु थव न्हापांखुसि खः ।

रोनाल्डोया थुकथंया ग्वाहालि धाःगु

न्हापांगु मखु । रोनाल्डोया परोपकारी ज्याःया धलः तसकं ताःहाः । वयकलं सेभ दि चिल्ड्रेन, वर्ल्ड भिजनयात मदिकक ग्वाहालि याना वयाच्वंगु दुसा प्राकृतिक विपत्ति निवारण कोषया निरति नं वयकः तःधंगु योगदान विया वयाच्वनादीगु दु ।

थव हे इवल्य निदं न्हयः नेपालय् ब्वःगु विनाशकारी भुखाय्या इलय् नं रोनाल्डो न्ययूगु लख पाउण्ड बराबरया ग्वाहालि यानादीगु अपुष्ट बुखें पिहावःगु खः ।

वयकलं थः माया वासः याःगु अस्पतालय् लखस्वयां अप्ठः पाउण्ड मेडिकल बिल पुलादीगु खः । गुकी फिदं दुम्ह छम्ह मचाया न्हयपुया शल्यक्रियाया निरति छू लख नीदः व मेगु ख्विन्यादः पाउण्ड चन्दा दुथ्याःगु खः । रोनाल्डो नियमितकथं हिदान बिया वयाच्वनादीगु दु ।

रियल म्याड्रिडपाखें रोनाल्डो कर

पुले न्हयः प्रत्येक वालय् प्यंगु लख न्ययूदः पाउण्ड आम्दानी याइगु खः । थव बाहेक वयकलं आपालं संस्थालिसे सम्भौता यानादीगु दु । गुकी मध्ये रोनाल्डोया दकलय् तःधंगु प्रायोजक 'नाइक' खः । अथेहे

रियल म्याड्रिडपाखें रोनाल्डो कर पुले न्हयः प्रत्येक वालय् प्यंगु लख न्ययूदः पाउण्ड आम्दानी याइगु खः ।

घडि कम्पनी ट्याग हिरर व फेशन ब्राण्ड अर्मांनी वयकःलिसे छू विलियन करोडया आजीवन सम्भौता यानादीगु दु ।

इङ्गलिस प्रिमियर क्लब म्यानचेस्टर युनाइटेडलिसे आबद्ध जुयाच्वंगु इलय् रोनाल्डो न्हापांखुसी सन् २००८य् 'बालन




डि ओर' ट्रीफ त्याकादीगु खः । व लिपा सन् २०१३, २०१४ व २०१६ य् नं 'बालन डि ओर' उपाधि रोनाल्डो त्याकादीगु खः । अथेहे न्याक्वःतक वयकः थुगु सिरपाःया उपविजेता जुयादीगु दु । 'बालन डि ओर'

विश्वया सर्वश्रेष्ठ कासामियात बीगु सम्मान खः ।

रोनाल्डो लिलामीइ तयादीगु ट्रीफ सन् २०१३ य् त्याकादीगु 'बालन डि ओर' ट्रीफ खः ।



जन्म
वि.सं. १९९३ चैत्र



स्व. सुवर्णनाथ जोशी



स्वार्गारोहण
वि.सं. २०७४
असोज ९ गते

हार्दिक श्रद्धाञ्जली

हाम्रा श्रद्धेय बुबा

सुवर्णनाथ जोशीको

८२ वर्षको उमेरमा स्वर्गारोहण भएकोले दिवंगत आत्माको चीरशान्तिको कामना गर्दै भावपूर्ण श्रद्धाञ्जली व्यक्त गर्दछौं ।

छोरी/ज्वाईहरु

मुना/तीर्थमान प्रधानाङ्ग
मिलन/राजनराजा राजभण्डारी

मालिका/नारायणमान श्रेष्ठ
रोजी/सुशील श्रेष्ठ

नाति नातिनीहरु :

सन्दीप, मिराजन, स्वीकृति, आदित्य, रोमन, विराजन, सुजेन, पलिस्था, प्रनिश, क्रिष्टोफर, विभूति, मैया



TISSOT LADY POWERMATIC 88. AUTOMATIC MOVEMENT
AND A ROTOR WITH 88 HOURS OF POWER
RESERVE. INNOVATORS BY TRADITION.

TISSOT.CH

TISSOT
LEGENDARY SWISS WATCHES SINCE 1853

SULUX CENTRE
Since 1983

Hotel Woodland Complex, Durbar Marg
Tel: 4222539, 4227103
www.suluxcentre.com.np

KATHMANDU
ORNAMENTS



New Bazaar, Kathmandu, Nepal
Tel: 4470777, 4498999 Fax: 4478999
E-mail: info@kathmanduornaments.com
kathmanduornaments.com
Web: www.kathmanduornaments.com




EUROPE BUSINESS ASSEMBLY
"BEST ENTERPRISE AWARD 2016"
LONDON, UNITED KINGDOM



"THE BIZZ 2016"
BUSINESS EXCELLENCE AWARD
WASHINGTON DC, USA



THE GOLDEN EUROPE AWARD FOR
QUALITY AND COMMERCIAL PRESTIGE
FRANCE



On the Auspicious Occasion
of
Completion of 10th Year of Operation



Privileged we are to extend
our heartfelt thanks and gratitude to all of you
Depositors, Entrepreneurs, Industrialists, Stakeholders and Well wishers
for your perennial invaluable support and association
that helped us retained in a **Billionaire Net Profit Club** and also elevated to a
Recipient Club of multi International Awards from UK, USA and France.



PRIME COMMERCIAL
BANK LTD.
प्राइम कमर्सियल बैंक लिमिटेड

Q&J DOUBLE ROAD

DOUBLE ROAD, KAPSEN, HAIDA
Brand या Radial टायर व
मोटरसाइकलया टायर नेपाःया बजारय्

साय्मि ट्रेडिङ्ग कम्पनी

फोन : ०१- ४२७९६०२, मोबाइल नं. : ९८५१०९२५५५, ९७४१०२७०८९, इमेल : saymitradingco@gmail.com



फुक्क कथंया
टायरय्
ग्यारेन्टी दु ।



छत्रपाटी निःशुल्क चिकित्सालय
२०१३

उपलब्ध सेवा

२४ सै घन्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरंग सेवा

शल्यक्रिया

- प्लाष्टिक सर्जरी
- मोतिबिन्दु
- जनरल सर्जरी
- न्हायपं, न्हाय, जापः
- हाड जोर्नी नशा
- पिसाव नलीया पत्थर बिना चिरफार

बहिरङ्ग सेवा

- मुटु लव्य
- प्वाःया लव्य
- युरोलोजी
- मिसा लव्य
- मचा लव्य
- वाया लव्य
- मिसा लव्य

अन्य सेवा

- जनरल मेडिसिन
- चर्म तथा यौन लव्य
- न्हायपं, न्हाय, जापःया लव्य
- जनरल हेल्थ चेकअप
- थाइराइड व मधुमेह लव्य
- चिकित्सा मनोरोगविद परामर्शदाता सेवा
- ड्रेसिङ्ग
- इण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला



२४ घण्टा
ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन : ४२९६९३८, ४२५७९९१, ४२६६२२९, E-mail: cfclinic@mail.com.np, www.free-clinic.org.np